

O‘ZBEKISTON RESPUBLIKASI SUV XO‘JALIGI VAZIRLIGI
HUZURIDAGI SUV XO‘JALIGI OBYEKTлари XAVFSIZLIGINI
NAZORAT QILISH INSPEKSIYASIDA MONOPOLIYAGA QARSHI
KOMPLAYENS TIZIMINI JORIY ETISH VA UNING ISHLASH TARTIBI
TO‘G‘RISIDA
NIZOMI

1-bob. Umumiy qoidalar

1. Mazkur Nizom O‘zbekiston Respublikasi Suv xo‘jaligi vazirligi huzuridagi Suv xo‘jaligi obyektlari xavfsizligini nazorat qilish davlat inspeksiyasi (keyingi o‘rinlarda — “Suvxo‘jaliknazorat” inspeksiyasi) monopoliyaga qarshi komplayens tizimini joriy etish, uning faoliyat yuritish va monitoring qilish tartibini belgilaydi.

2. Quyidagilar monopoliyaga qarshi komplayens tizimining asosiy vazifalari hisoblanadi:

raqobat to‘g‘risidagi qonunchilik hujjatlari talablarining ehtimoliy buzilish xavflarini aniqlash va baholash hamda uni boshqarish;

“Suvxo‘jaliknazorat” inspeksiyasi faoliyatining raqobat to‘g‘risidagi qonunchilik hujjatlari talablariga muvofiqligini ta‘minlash va monitoring qilish;

“Suvxo‘jaliknazorat” inspeksiyasi faoliyatida raqobat to‘g‘risidagi qonunchilik hujjatlari talablari buzilishining hamda ularning rahbarlari tomonidan o‘z vazifalarini bajarish jarayonida raqobatga zid xatti-harakatlar amalga oshirilishining oldini olish;

“Suvxo‘jaliknazorat” inspeksiyasida monopoliyaga qarshi komplayens tizimini ishlash samaradorligini baholash va ta‘minlash;

“Suvxo‘jaliknazorat” inspeksiyasining xodimlarida raqobat to‘g‘risidagi qonunchilik hujjatlari talablari buzilishining oldini olish va muntazam ravishda ushbu yo‘nalish bo‘yicha ularning malakasini oshirish yuzasidan o‘qitish yo‘li bilan raqobat to‘g‘risidagi qonunchilik hujjatlariga doir fikrlarini rivojlantirish.

2-bob. Monopoliyaga qarshi komplayens tizimini tashkil etish

3. “Suvxo‘jaliknazorat” inspeksiyasida monopoliyaga qarshi komplayens tizimini joriy etish, uning faoliyat yuritishini ta‘minlash va monitoring qilish maqsadida tashkiliy tuzilma, shtatdagi xodimlari soni va faoliyat xususiyatiga muvofiq vakolatli ma’sul shaxs tayinlanadi.

4. “Suvxo‘jaliknazorat” inspeksiyasida monopoliyaga qarshi komplayens tizimini joriy etish va uning faoliyatini monitoring qilish vakolatli shaxs tomonidan amalga oshiriladi.

5. Vakolatli shaxs quyidagilarni amalga oshiradi:

raqobat to‘g‘risidagi qonunchilik hujjatlari talablari buzilishini monitoring qiladi;

faoliyatga tegishli materiallarni tahlil qiladi (shu jumladan, raqobatni va (yoki) iste’molchilarning huquq va manfaatlarini cheklaydigan normalarni aniqlashga

qaratilgan ichki hujjatlarni xatlovdan o'tkazadi), aniqlangan kamchiliklarni bartaraf etishga yo'naltirilgan choralarni ishlab chiqadi;

raqobat cheklovlarini keltirib chiqarishi mumkin bo'lgan omillarni aniqlaydi va ularni bartaraf etish bo'yicha takliflar ishlab chiqadi;

raqobat to'g'risidagi qonunchilik hujjatlari talablari buzilish bilan bog'liq ichki o'rganish ishlarini tashkil etadi;

monopoliyaga qarshi kurashish organi bilan raqobat to'g'risidagi qonunchilik hujjatlari talablari buzilishi bo'yicha o'zaro axborot almashadi;

raqobat to'g'risidagi qonunchilik hujjatlari talablarining buzilish xavflarini kamaytirish maqsadida bir yilga mo'ljallangan «yo'l xaritasi»ni ishlab chiqadi va amalga oshirilishini ta'minlaydi;

raqobat to'g'risidagi qonunchilik hujjatlari o'zgarishlarni monitoring qiladi, shuningdek, idoraviy hujjatlarga tegishli o'zgartirishlar kiritish yuzasidan takliflar kiritadi;

raqobat to'g'risidagi qonunchilik hujjatlari talablarining buzilish xavflarini aniqlaydi, xavflar bilan bog'liq holatlar hisobini yuritadi va yuzaga kelish ehtimolini belgilaydi;

“Suvxo'jaliknazorat” inspeksiyasi faoliyatida raqobat cheklovlarini keltirib chiqarishi mumkin bo'lgan manfaatlar to'qnashuvini aniqlaydi, ularni bartaraf etish bo'yicha takliflar ishlab chiqadi;

“Suvxo'jaliknazorat” inspeksiyasining xodimlariga raqobat to'g'risidagi qonunchilik hujjatlari talablariga amal qilish bilan bog'liq masalalar bo'yicha maslahatlar beradi;

6. Vakolatli shaxs lavozimiga nomzod quyidagi talablarga javob berishi lozim:

iqtsodiyot, boshqaruv tizimi (menejment), huquq yoxud davlat boshqaruvi organi yoki xo'jalik yurituvchi subyekt faoliyatining asosiy yo'nalishlaridan biri bo'yicha oliy ma'lumotga ega bo'lishi;

ustuvor ravishda komplayens, xavflarni boshqarish, ichki audit yoxud davlat organi yoki xo'jalik yurituvchi subyekt faoliyatini yuridik ta'minlash yo'nalishlari bo'yicha kamida bir yillik ish tajribasining mavjudligi.

3-606. Raqobat to'g'risidagi qonunchilik hujjatlari talablarining buzilishini aniqlash

7. “Suvxo'jaliknazorat” inspeksiyasida raqobat to'g'risidagi qonunchilik hujjatlari talablarining buzilish xavflarini aniqlash maqsadida vakolatli shaxs tomonidan quyidagilar amalga oshiriladi:

raqobat to'g'risidagi qonunchilik hujjatlari talablarining buzilishiga yoki bozorda raqobatni cheklashga olib keladigan normalar va qoidalarni aniqlash maqsadida normativ-huquqiy hujjatlarni o'rganish;

joriy etiladigan yangi cheklovlar, ruxsat berish tartib-taomillarining yangi turlari, litsenziyalarni, shuningdek, ruxsat berish xususiyatiga ega hujjatlarni yoki litsenziyalarni olish uchun qo'shimcha talablar yoki shartlarni hamda texnik tartibga solish talablarining joriy etilishini o'rganish;

tender va birja savdolariga qo'yiladigan monopoliyaga qarshi talablarga amal qilinishini tahlil qilish;

davlat xaridlarining raqobat to'g'risidagi qonunchilik hujjatlari talablariga muvofiqligini o'rganish;

aniqlangan raqobat to'g'risidagi qonunchilik hujjatlari talablarini buzish holatlarini tahlil qilish;

raqobat to'g'risidagi qonunchilik hujjatlarini qo'llash amaliyotini monitoring va tahlil qilish;

raqobat to'g'risidagi qonunchilik hujjatlari talablarining buzilish xavflarini kamaytirish bo'yicha ishlab chiqilgan va amalga oshirilayotgan chora-tadbirlar samaradorligini muntazam ravishda baholash;

vujudga kelish ehtimoli bo'lgan monopoliyaga qarshi xavflarni tahlil qilish va ularning ro'yxatini komplayens-xavflar xaritasi ko'rinishida tuzish;

raqobat to'g'risidagi qonunchilik hujjatlari talablarining buzilish xavflarini kamaytirish bo'yicha ishlab chiqilgan va amalga oshirilayotgan tadbirlarning samaradorligini muntazam ravishda baholash.

“Suvxo'jaliknazorat” inspeksiyaining xususiyatidan kelib chiqqan holda, monopoliyaga qarshi komplayens tizimining samarali ishlashiga qaratilgan boshqa chora-tadbirlar ham amalga oshiriladi.

8. Raqobat to'g'risidagi qonunchilik hujjatlari talablarining buzilish bo'yicha aniqlanadigan xavflar vakolatli shaxs (bo'linma) tomonidan mazkur nizomga ilovaga muvofiq darajalar bo'yicha taqsimlanadi.

9. Raqobat to'g'risidagi qonunchilik hujjatlari talablari buzilishi xavflari bo'yicha o'tkazilgan baholash ishlari asosida vakolatli shaxs tomonidan xavflar tavsifi tuziladi, unga xavflarning paydo bo'lish sabablari va shartlarini baholash ishlari ham kiritiladi.

10. Raqobat to'g'risidagi qonunchilik hujjatlari talablarining buzilish xavflarini tahlil qilish, aniqlash va baholash to'g'risidagi axborot monopoliyaga qarshi komplayens haqidagi hisobotga kiritiladi.

4-bob. Monopoliyaga qarshi komplayens tizimining ishlash samaradorligini baholash

11. “Suvxo'jaliknazorat” inspeksiyaida monopoliyaga qarshi komplayens tizimining ishlash samaradorligini baholash uchun asosiy ko'rsatkichlar belgilanadi.

12. Vakolatli shaxs “Suvxo'jaliknazorat” inspeksiyaida monopoliyaga qarshi komplayens tizimining erishilgan asosiy samaradorlik ko'rsatkichlarini baholaydi (yilda kamida bir marta).

13. “Suvxo'jaliknazorat” inspeksiyaida monopoliyaga qarshi komplayens tizimining ishlash samaradorligini baholash bo'yicha asosiy ko'rsatkichlarga erishilgani to'g'risidagi axborot monopoliyaga qarshi komplayens haqidagi hisobotga kiritiladi.

5-bob. Monopoliyaga qarshi komplayens haqidagi hisobot

14. Monopoliyaga qarshi komplayens haqidagi hisobot quyidagilarni o'z ichiga qamrab oladi:

raqobat to'g'risidagi qonunchilik hujjatlari talablarining buzilish xavflari bo'yicha o'tkazilgan baholash ishlarining natijalari hamda kamaytirish bo'yicha chora-tadbirlarning bajarilishi;

monopoliyaga qarshi komplayens tizimining asosiy samaradorlik ko'rsatkichlariga erishilgani haqidagi axborot.

15. "Suvxo'jaliknazorat" inspeksiyasi tomonidan tasdiqlangan monopoliyaga qarshi komplayens bo'yicha hisobot o'zlarining rasmiy veb-saytida joylashtiriladi va uch ish kuni ichida monopoliyaga qarshi kurashish organiga yuboriladi.

6-bob. Yakunlovchi qoidalar

16. Mazkur nizomni qo'llash bilan bog'liq nizolar qonunchilik hujjatlarida belgilangan tartibda hal etiladi.

17. Mazkur nizom talablarini buzishda aybdor bo'lgan shaxslar qonunchilik hujjatlarida belgilangan tartibda javobgar bo'ladilar.

**O‘zbekiston Respublikasi Suv xo‘jaligi vazirligi huzuridagi
Suv xo‘jaligi obyektlari xavfsizligini nazorat qilish inspeksiyasida monopoliyaga
qarshi komplayens tizimini joriy etish va uning ishlash tartibi to‘g‘risidagi
nizomga
ILOVA
Raqobat to‘g‘risidagi qonunchilik hujjatlari talablarining buzilish darajasi
bo‘yicha**

NAMUNAVIY XAVFLAR TASNIFI

Ehtimollikni baholash (yuz berish ehtimollari)	Oqibatlar darajasi		
	Past	O‘rta	Yuqori
Yuqori ehtimollik			
O‘rtacha ehtimollik			
Past ehtimollik			